



Prusidimentus di linpeza y ijiénizason

pa dipôs ki labantadu un Avizu pa Ferbe Águ pa stabilisimentus alimentar

Oras ki Dipartamentu di Saúdi di Rhode Island (RIDOH) labanta un avizu pa ferbe águ, stabilisimentus alimentar debe sigi kes pasus li.

Mákinas di jélu

Mákinas di jélu debe linpadu y ijiénizadu ku un mistura di un kudjer di xa di lixívia pa un galon di águ antis di uza. Sigi kes prusidimentus di ijiénizason sujiridu di fabrikanti na manual di utilizador. Nu mínimu, un stabilisimentu ten ki:

- Poi mákina di jélu ta trabadja durante 24 óra y fulha kel jélu ki fazedu durante kes 24 óra.
- Laba y ijiéniza kel ária a volta y dentu di baldi di rikolha.

Tudu dispozitivus di filtrajen di isternu asociadu ku mákinas di jélu ten ki ser ijiénizadu. Kartuxus di filtru tanbé ten ki mudadu.

Unidadis di tratamentu di águ

Troka tudu kartuxus di filtru di tratamentu di águ.

Mákinas di rifrijiranti

Sigi kes prusidimentus di ijiénizason sujiridu di fabrikanti na manual di utilizador ô kontakta kel enpreza ki instala kel(s) mákina pa pode tenes linpu y ijiénizadu dretu.

Mákinas di bendi

Kontakta kel enpreza ki instala kel mákina di bendi pa pode tene kel mákina linpu y ijiénizadu dretu. Keli so ta aplika pa mákinas di bendi ki sta ligadu na un sistema di águ y ki ta uzadu pa faze kuzas sima bibida friu.

Sprei pa pexi ku verduras

Unidadis di sprej na es y unidadis ki di ves enkuandu ta spreia águ na produsus pa mante freskura ten ki linpadu y ijiénizadu antis di uza. Un mistura di kloru di 50 pa 100 parti ô otu ijiénizador aprovađu debe bazadu na kes linhas durante pelumenus 60 sigundu.

Bebedorus

Tudu tankis di freska águ ten ki sta kompletamenti linpu antis di uza. Poi bebedoru ta trabadja durante pelumenus 10 minutu pa linpa kes linha kompletamenti.

Tornéras

Tudu tornéra ten ki abridu durante 10 minutu pa sertifika ki kualker kontaminason ki pode sta la ta sai.

Txoma pa linha prinsipal Séntru pa Kualidadi di Águ Putável

401-222- 6867, di Sigunda – Sesta Fera, di 8:30 di palmanhan ti 4 di tardi, si bu ten algun dúvida.

Dipôs di ispidienti y na fin di simana, txoma linha di imerjénsia di RIDOH pa 401-276-8046.

